



**Philippi Ecclesiæ Eystettensis XXXIX. Episcopi. De  
Eivsdem Ecclesiæ Divis Tvtelaribvs. S. Richardo. S.  
Willibaldo. S. Wvnibaldo. S. Walpvrga. Commentarius  
nunc primum evulgatus**

**Philip *<Eichstätt, Bischof>***

**Ingolstadii, 1617**

XXIV. Conuicia Centuriatorum & Balæi, iacta in S. VVillibaldum.

---

[urn:nbn:de:hbz:466:1-70477](#)

peragerentur, accedere auso. Sed veridica patrum relatione  
percepi, omnes, qui sacratissimas eius reliquias inspexere, an-  
num integrum in hac vita non impleuisse. Quid autem ipsi  
Episcopo acciderit, non est dicendum per singula.

## CAP VT XXIV.

*Conuicia Centuriatorum & Balii acta  
in S. VVillibaldum.*

**I**dem erroribus imbutus fuit, inquit Centu-  
riatores Cent. VIII. cap. 10. quibus Bonifacius.  
At Bonifacius nullis erroribus imbutus fuit,  
ergo nec Willibaldus. Dicite tamen, qui sunt isti erro-  
res Bonifacij? Corruptelam de oratione pro mortuis, à Pon-  
tifice Gregorio acceptam, longè lateq. sparsit, ut patet ex epi-  
stolis eius ad Aldherium Abbatem. Grandis error, preces  
fundere pro defunctis, & ut fundantur, docere, & ab  
amicis etiam exigere, prout exegit S. Bonifacius ab  
Aldherio in epistola, quam ad ipsum dedit, quæ est  
XXIV. inter Bonifacianas. Scilicet id faciendum es-  
se, nesciebat S. Bonifacius, & nescius usque ad extre-  
mum vitæ finem mansisset; nisi à Pontifice Grego-  
rio dogma hoc accepisset: quasi verò etiam ante hunc  
Gregorium, in toto Christiano orbem os orandi pro  
mortuis non viguerit, maximè in Anglia; prius quo-  
que quam Bonifacius pedem ex Anglia efferret. Quis  
autem tam stultus & amensest, qui, si vna ex parte  
stantes S. Bonifacius & S. Willibaldus dicant, prode-  
functis preces & supplicationes Domino offerri de-  
bere; è contra verò Illyricus cū suis Wigando & Mat-  
thæo Iudice vociferetur; hoc esse superstitionem, ac proin-  
de omni modo fugiendum; non malit subscribere senten-  
tia.

tiæ sanctorum Bonifacij & Willibaldi, quām vociferationibus Illyrici & sodalium, qui nudiustertius ex Lutheri lumbis progeniti, perspicuè vident, sibi & suæ sectæ nullum locum fore, nisi veteres illos Catholicæ fidei in Germania plâtatores & prædicatores vipercis suis linguis infectentur, & infectionibus suis imperito vulgo exosos reddant.

Secundus error Bonifacio à Centuriatoribus adscriptus, est iste. *Orationem Deo fore acceptiorem, se ad eam adstipulatio & benedictio accedit Romani Pontificis.* At hic ego nullum Bonifacij errorem, sed valde fraudulentum mendacium Illyrici deprehendo; falsum enim se asum S. Bonifacio affingit: nam in epistola sexta, quæ est ad vniuersos Anglos, implorat omnium Anglorum vota & preces pro conuersione Saxonum, ex quibus ipsi Angli originem ducebant; additque: *Et scitote, quod in hac prece duorum Pontificum Romanæ Ecclesiæ adstipulationem, & consensum & benedictionem accepi,* quorum verborum non est ille sensus, quem ex suo cerebro profert Illyricus; sed iste; *Scitote duos Romanos Pontifices, etiam benedictione impertita, probasse, ut à vobis pro Saxonice gentis ad Christianam religionem traductione preces postularem.*

Tertius error. *Bonis operibus salutem adscribit in epistola ad Torthelnum, dum se pro redemptione animæ sua habere studium dicit Saxones conuertendi.* Non reperitur inter vulgaras epistolas S. Bonifacij ad Torthelnum, Episcopum; sed Torthelmi ad Bonifacium, & est numero XL III. Ex qua tamen liquet S. Bonifacium, scripsisse ad Torthelnum, se in Saxonum gente ad Christianam fidem transferenda, nullis laboribus parere pro redemptione animæ sua, id est, ut salutis æternæ parti-

particeps fiat. Quid hic erroris? An tu malis aut nullis operibus salutem adscribendam censes? Si malis, quid peius? cum mala opera à salute ad perniciem aeternā abducant. Si nullis, contradicis supremo iudici, qui ultimam sententiam pro electis ex bonis operibus pronunciaturus est; Esuriui enim & dedisti mihi manducare, sitiui, & dedisti mihi bibere: qua defiaitionis nouissimæ formula excludit quoque inanem illam Sectariorum fidem, qua, ut ipsi quidem credunt Christum, ut autem ego sentio, fruolum capitis sui phantasma apprehendunt, in eaque sola puppim & proram salutis suæ constituunt, neque enim ex hac commentitia fide, sed ex operibus decernit, aliis quidem vitam aeternam: aliis ignem aeternum.

Hos tres errores non errores percensent Centuriatores, ubi de doctrina & scriptis Bonifacij agunt. Alibi plures se annotasse aiunt. Verum omnes eiusmodi sunt, quorum nec S. Bonifacium, nec S. Willibaldum pudeat, se in eis tamen imposturis & criminalibus, quibus dogmata S. Bonifacio attributa foedant & commaculant.

Jam intueamur errores, quos S. Willibaldo separatim assignant. I. Monasticen seu doctrinam demoniorum de prohibendis nuptiis magnificet, ut patet ex Monasteriorum adificatione. Doctrinam Diabolicam sanctus Willibaldus nullam nouit, quia haud ignorauit matrimonium esse honorabile, & torum immaculatum, à quo neminem, qui sui iuris & arbitrij esset, prohibuit vel violenter abstinuit: voto iam obligatos, vota sua Deo reddere voluit. Quam doctrinam Daemoniorum esse, ne ipse quidem Daemon affirmit, quia tam stupidus non est, ut non videat, quid valeat.

Ieat illud: *Vouete & reddite. Et illud: Si quid vniuersiti Deo, ne moreris reddere.* Si ædificare monasteria ex Dæmoniorum doctrina fluit, qui sit, quod Maiores nostri, homines perspicacissimi, qui omnes propemodū Germaniae angulos Monasteriis, & sacerdotum collegiis impleuerunt; id non animaduerterunt? An exspectare oportuit, donec Lutherus Monasticæ vitæ pertæsus, & solutioris cupidus, cum suis asseclis ad uolitaret, clamitaretque, Monasticam professionem & Monasteria non nisi à Dæmons proficisci, quod hac ratione propudiosam suam & suorum turpitudinem flagitiousamque defectionem non nihil tegeret? Certè sancto Bonifacio apud Boios, & Willibaldo apud vicinos Almonios commorantibus, breui tempore vnde uiginti Monachorum & Sacerdotum collegia condita sunt; quod neque Auentinus, vt cunquæ alioqui in Monachos affectus, dissimulauit lib. 3. Annalium. Ballerus Centur. 2. cap. 16. dicit, *VVillibaldum post Bonifacij aedem, usq; ad decrepitam senectam, laborasse in adificandis Monachorum cœnobis, sumptibus tamen alienis. Mirum, n; propriis, qui propriis sponte propter Christum se abdicauerat, nec propriis egebat, cui ex piorum liberalitate nihil deerae.*

Postquam Bauaria à S. Bonifacio ab improbis sacerdotibus & clericis expurgata est, descriptisque singularum Dioceſeon finibus, certatim ab Optimatibus Boiorū opes pauperibus distribute sunt, inquit Auentinus, *Christianam paupertatem plerig; contemptis dinitis, profiteri cœperunt, & quidem sum in finem & vsum magnificis & amplissimis Monasteriis conditis.*

II. Error S. Willibaldi. *Humanie traditionibus Deo cultum adhiberi opinatus est, ideoq; eas cumulauit, & superstitione.*

*stitutionibus Romanam synagogam auxit: quod transcrip-*  
*runt Centuriatores ex Balæo, quem & citant. Qui-*  
*bis tandem traditionibus Deo cultum deferri vul-*  
*tis? An pecuinis & belluinis, quales traditiones Lu-*  
*theranæ, quandoquidem humanæ usque adeo vo-*  
*bis displicent? Ita credo: Et ut credam vita vestra-*  
*facit, quæ carni & sanguini immersa, tum se Deo gra-*  
*tissimum obsequium præstare existimat, si Lutheri*  
*exemplo, Monachi & Moniales coniugentur, & sa-*  
*cilego nexus copulentur. Sanctus Willibaldus, quod*  
*in Ecclesia inuenit, retinuit, & ad posteros propaga-*  
*uit; quod maiores tradiderunt; id amplexus est, in-*  
*primis Monasticam professionem, cuius isti omnes*  
*sunt osores, plurimi etiam desertores. Quapropter*  
*fieri non potest, ut Monasteriorum exstructionem,*  
*æquis & patientibus oculis intucentur; sola destruc-*  
*cio & desolatio placet.*

Ab erroribus scilicet Willibaldi transeunt Cen-  
 turiatores ad opera gubernationis. Aiunt. Francicus  
*Ecclesias reformare iunit. Bonum factum reformatio,*  
*si non sit Lutherana vel Calviniana, quia ista defor-*  
*mationis soror est. Quid amplius? Sacerdotes coni-*ges oppresit. Non oppressit, ô boni, sed ad cælibatum*  
*ex Apostolica traditione deriuatum reuocauit putati-*os illos coniuges Sacerdotes, qui scortationi sue ve-**  
*nabile nomen coniugij prætexebant.**

At vide iam grauissimum Willibaldi crimen.  
*Architectum cœnobij Aichostadij & urbis illius egit. Ci-*  
*tantque Schedelium Ætate VI. Graue piaculum,*  
*præesse ædificio, & quidem religioso, & non nisi ad*  
*religiosos usus deputato; dare item operam, ut con-*  
*uenienter & ordine habitacula illis describantur,*  
*qui,*

qui, ut olim fieri solebat, ad noua Monasteria habitatum accurrebant, ex quorum accusu integra postmodum oppida & aliquando populosæ ciuitates existierunt. Interim nec Centuriatoribus, nec aliis Prædicantibus impedimento erimus, quo minus ipsi architectonicæ suæ peritiae in ædificandis caprilibus<sup>2</sup>, hædilibus & hircilibus pro capris, hædis & hircis suis<sup>3</sup> specimina edant, quandoquidem à condendis Monasteriis tantoper abhorrent. Balæus criminatur, nullam fieri mentionem de animabus, quas Willibaldus Deo mino lucratus sit: tantum de Monasteriis conditis vel condendis omnia perscripere. Hanc calumniam depellunt Acta S. Bonifacij, quorum Willibaldus pars magna fuit, in quibus tot millia hominum ad Christianam fidem vel traducta, vel in ea confirmata leguntur; ut taceam, de fructu animarum, quem tulit apud Noricos & Boios Willibaldus, postquam Episcopalica thedra Eychstadij constituta est: de quo legi potest Hodœporicon Willibaldinum sub finem.

Nihilne de Willibaldo restat, ô Centuriatores?  
Imò. Megingandum Abbatem in Monasterio Neapolitanè à Carolo exstructo consecrauit in presentia Caroli, testemq; laudant vnum ex triuio Chronologulū Valentinum Münzerum. Et tamen paulò antè ex eodem Münzerro Centuriatores scripsérant, Megingandum à Lullo Archiepiscopo Moguntino consecratum esse Abbatem. At dicent: consecrationis adiutorem fuisse Willibaldum. Sic ita; sed quemodo anni consonant? Nam Münzerus hanc consecrationem peractam dicit anno Domini D C C. X C I V. ante quem annum, quidquid Münzerus deliret, Willibaldus dudū mortalitatem expleuerat, ut pote mortuus anno D C C.

LXXXI. hoc est, tredecim annis antea; Lullus quoque hinc ad superos migrauit anno gratiæ DCC. LXXXVI. velsequenti. Et quamuis Egilvardus in historia S. Burckhardi lib. 3. cap. 1. scribat, Meginandum in Neostadiano Monasterio, deserta Episcopali sede, Abbatem factum esse; non tamen dicit, consecrationem Abbaticam à Lullo & V Villibaldo acceptisse, tametsi hoc affirmat de consecratione Bernvvelfphi, qui in locum Meginandi subrogatus est; quod tamē, ut alibi diximus, cūm vero annorum calculo non concinit. Centuriatores maximam suorum centonum partem consarcinarunt ex auditoribus plebeiis, qui vel nullius vel non magni ponderis & pretij, ut est Müzerus, Munsterus, Schedelius, Balzus, Cu-  
rio, Hedio, Auentinus, similes. Quocirca særissime hallucinantur, ut etiam in rebus S. V Villibaldi certe datur.

Aiunt, VVillibaldum oriundum ex Anglia, aut secundum quosdam ex Scotia. (De Scotia si lete. Fabula est, ut suo loco probatum) ingenio, memoria, lingua promptum literis operam non sine fructu nauasse: In Frisiā ab Ekberto Archiepiscopo Eboracensi allegatum (veritas secus se habet, ut suo loco ostendimus) ut Pontificio characterem scilicet illic Ecclesiam Christi insigniret. (Calumniam audio. An Pontificius character est, baptismus, & ante baptismum Christiana doctrina tradi consueta? Vbi erat iste tunc vos Lutherani & Calviniani verbi tubicines? Cur ipsum in Frisiā non venistis? Cur non obstatistis, ne Monachi dogmata illa, quae vos cruciantur, apud Frisones disseminarent: Vbi, inquam, tunc eratis? An adhuc in Orco? An in femoribus & iliis illius, qui, ut omnis mendacij, ita etiam omnium mendaciorum

ciorum pater est?) *V*Villibaldum cum fratre ex Phrisia di-  
gressum venisse ad Sebaldū, qui à Gregorio II. in Germaniam  
missus fuerit. ( Nihil de hoc classici Scriptores, sed sic  
ita ) Inde Romam petiisse, inde Hierosolymam, pōst ad Boni-  
facium sese recepisse, quando cāpit Germanos iugo Pontificis  
subiicere, sociis q̄ egerē videbatur. ( Iugo Pontificis Roma-  
ni, quod non est aliud, quām suaue iugum Christi,  
subiecit S. Bonifacius Germanos. An volebatis, vt eos  
subiiceret iugo Lutheri aut Calvini? Atqui non pote-  
rat: quia non nisi multis saeculis pōst, infanda hæc &  
execrāda nomina extiterunt. Et vt tunc extitissent;  
S. Bonifacius, & S. Willibaldus non aliter cum illis e-  
gissent; ac egerunt cum aliis peruersæ mentis doctori-  
bus, qui tunc caput aliquibus in locis efferebant) *V*Vil-  
libaldum in Bauarium progressum anno salutis DCC.XL. (Se-  
rius, ô boni,) cāpisse in vasta solitudine, succisis nemoribus,  
vibem exstruere, a querubus Eychstet, Dryopolim, dictam,  
& Episcopum Eychstettensem creatum anno Christi DCC.  
XL. vel DCC.XLIV. vel DCC.XLV. Qui s̄epius iacu-  
latur, tandem scopum tangit; aut certè ad scopum  
propè accedit. Id hic Centuriatoribus accidit: qui post  
erina in inane lacta missilia fermè tetigissent annum  
Domini DCC.XLV. quo sanctus VVillibal-  
dus ad sedem Episcopalem euc-  
clus est.

*Finis libri primi Observationum.*



O 3

OBSER-